

第十九卷

經畧志

興利

修文

貴州通志



大木疏

永寧開河事蹟

開河檄

勘疏河道檄畧

賑穀流通議

銅仁建縣疏畧

建湖廣天柱縣疏

石阡開河議

責成川湖協濟疏

修文類

舒應龍

景川侯曹震

巡撫舒應龍

巡撫江東之

江東之

巡撫江東之

巡撫江東之

知府郭原賓

巡撫江東之

開科取士

廣解額疏

再廣解額疏

改撥定番州學議

建貴陽府學議

申飭學校事畧

巡撫鄧廷瓚

巡撫王學益

巡撫林喬相
巡撫薛繼茂

提學吳堯弼

參政王恩民
提學徐秉正

提學沈思克

貴州通志卷十九

經畧志

士君子起而勛勦天下未有不預定胸中而能底厥
績者矧計安邊徼乎充國之于先零武侯之于南中
贊皇之于吐蕃後世籌邊者祖為石畫彼其持重養
威熟計深慮有不動動固萬全耳黔在今日不曰秦
山而四維之耶然匪先後諸大夫竭智畢慮以建萬
世之遠猷而剔一時之利弊吾未卜西南之安堵若
斯矣夫重裘非一狐之腋廊廟非一木之支帝王之
功亦豈一士之畧所能擔當而獨運哉余故取先今

受事茲土者若奏疏若條議悉裒而次焉作經畧志

經畧志上

興利類

議聯近屬移府治疏

巡撫杜
按王時舉

布政司會同按都二司掌印并守巡等道覆議得貴
州一省壤地褊促不足以當中土一大郡向緣歷代
分隸各省至我 國朝方創專藩風氣日開事體既
以大異顧簡陋相沿舊制多畧至于永播沅靖各該
州縣司及平清偏鎮銅開等衛實貴州門庭之境土
乃皆拆爲異屬以致夷情觀望民瘼因仍多爲法治

之梗且省城未設府一方軍民疾痛莫事
尤嫌怠玩所據前議將川湖二省所屬永播玩等各
該州縣司及平清偏鎮銅開六衛改隸貴州誠於貴
州為永世之利而于湖川二省所謂鞭長不及馬腹
割以屬貴委亦兩便其改程番入省就近設縣轉移
既易體統獲全等因該臣議照古先明哲恒因時而
立政所以通變以宜民也茲躬遇

聖明御極百度

維新故貴州諸司之臣欲及更化之初議全經制以
徇民情之使所據呈要聯近屬一節臣等查得沅靖
二州與平溪清浪偏橋鎮遠銅鼓五開六衛之去湖

廣西陽播州永寧三土司之去四川俱二千餘里遙
屬於二省而兼制于貴州所謂十羊九牧之擾服役
者興遠道之嗟蒞事者無畫一之軌于民情政體甚
不便也誠如該司議單數州縣土司專界之貴州其
便有十齊民賦役自遠而移之近勞費損於舊者數
倍一便也郡縣專其心志以聽一省之政令無顧此
失彼之慮二便也軍民力役彼此相濟無偏重之累
三便也科貢悉隸本省禮遇資遣有均平之規四便
也司道政令有所責成郡縣不敢以他屬爲辭五便
也府衛互制強悍之卒豪猾之氓禁不敢逞六便也

歲徵緩急可無失程盜賊出沒易于詰捕七便也土
會之桀各相牽制不得肆其螫八便也僻遠之區監
司歲至吏弊民瘼可以諮詢而吏置之九便也釋兼
督之虛名修專屬之實政體統相安十無阻廢十便
也夫所便既如此臣等愚見以爲該司所呈聯近屬
以全經制其說可行也又據該司呈要移府治一節
臣等會勘得各省會城府縣并置豈徒備官哉要以
親民事悉下情耳乃貴州獨闕焉軍民之訟牒徭役
之審編夫馬之派撥盜賊之追捕藩臬不能悉理往
皆委之三司首領與兩衛指揮及宣慰司官夫三司

首領類皆異途操符靡定政體鮮諳問無非議又多
乖舛衛指揮則尤甚矣委牒方承即懷私計防緝未
効反貽厲階宣慰司則尤甚矣逞其恣睢日事講罰
破人之家戕人之命往往如是始臣等至省會政悉
以付之藩臬長吏宣慰司有行必令白於布政司兩
衛有行必令白於按察司查無他弊方許施行然此
僅能強制于一時耳其勢豈能持久哉故縉紳鄉士
大夫及閭巷小民爭欲增建府治而該司議程番府
附省會日其說可行也貴州通志載貴竹長官司所轄
皆流寓者之子孫與夷民不同又查得龍里衛所轄

平伐長官司庭希印誅削已久尚無所屬俱應改屬
縣治附之程番府爲便伏乞 勅下該部會集廷臣
博議如以臣等所呈非謬將湖廣沅靖二州并平溪
等六衛四川西陽播州等三土司改屬貴州又將貴
州程番府移入省城添設同知一員貴竹平伐二長
官司俱改爲縣縣設知縣縣丞典史各一員其程番
舊治近日添設通判往彼駐劄貴竹司正副土官俱
改爲縣丞主簿令各管理地方庶經制全而體統不
紊民心順而政務日臻矣兵部覆議題 請合候
命下將程番府改入貴州會省二土司改爲二縣與夫

添設同知縣。該府通判仍住彼地悉如原擬施行本部移行各該衙門照例銓官鑄印請欽定縣名再行川湖總督將前項議革州衛并入貴州統轄事體人情孰爲穩便務要從長計處停妥各從實具奏以憑議覆

議遷府治疏

巡撫趙王時舉

據貴州布政使司呈據程番府議詳遷府治乃地方千百年之利必須上下相安軍民稱便庶可經久各職周閱博詢省城內外別無空閑基址止有貴寧道一所但規模窄狹若欲添買地基不惟大費官錢

抑且拆動民居惟有提學道分司廳堂窳廠地亦
遂又有兩傍書院房舍不動民居少省官費誠為便
益合無將貴寧道改為提學分司統將提學分司改
遷府治攬新補舊即可居住其合用攬修木石灰瓦
匠作工食等項先行知府盧達及會同委官估計一
面興工修理一面行府搬移居住理事該府官吏俸
糧除折色照舊赴布政司糧銀內支給其本色查糧
該府存留秋糧筭足在彼駐劄通判并各司吏目及
孤老守哨防兵等米外其餘剩糧米運赴豐濟倉
納支作該府在城官吏俸糧添設同知一員合用樂

薪馬夫照例於本司庫貯缺官銀內支給合用門皂
於該府市民內僉充工食於本司遷官并交割稅務
銀內支給該府通判一員先年議設省城驛館於省
錢糧近議改鎮舊府貴前二衛軍糧各令推官監
再照移府必須移學查得先臣王守仁祠既有龍岡
書院一所又有宣慰司 文廟右邊祠堂一座合
將此祠改爲府學與宣慰司共一 文廟左邊
等項各照原額其改設縣治原奉撫按衙門舊
竹平伐二司俱併改爲縣今奉部議改爲
方窄狹丁糧寡少難設二縣請乞題 請併

待移府之後行知府盧達查將二司土民客民錢糧
再查各處空閑人民土地併爲一大縣另議置里甲
均定糧差庶地方廣濶而丁糧差役可充足矣又據
儒學生員汪朝陽等耆老程廷元等各呈查得本府
治地原隸貴州宣慰司成化年間各司願改土爲流
蒙 朝廷加與金瓊等一十七司改設府治自是以
來夷俗漸更已非昔比即今會城開府制度更新若
府名仍舊殊非所以慰群情從觀聽也該本司會同
按都二司掌印并守巡等道議照設府地依舊爲八
番夷域治我 國朝始有程番之設不過草創開闢

因地立口頂者乃以府治改遷會城誠萬世之利所
據該府呈要更改府名以聳觀聽一節事關經制請
乞會題欽定府名併將該府印信改鑄遵行遵守等
因到臣會同議照貴州郡縣之制尚缺于會省而諸
臣之請有待於今日此誠 聖作物觀之會及道化
成之徵也所據諸臣之議府治學宮取諸見存之司
署而少加修葺廓充添設官屬俸薪取諸該府之常
額而盡以帑藏之美金與夫通判之改鎮舊府推官
之監署錢糧揆之人情頗爲穩便其該府欲乞改命
新名係遠人之觀聽亦稱維新之典貴竹平伐二司

改縣設行知府盧達待事定之後另行查處
大縣願得慎重之義均爲可從伏乞 皇上勅下該
部再加查議如果臣等所言可采恭請 宸定府名
鑄印頒給暫將貴竹平伐二司照依舊制聽該府提
調待該府查理停安之日另行題 請改縣設官
更化有漸而事體周詳經制式全而與情尤協矣

嚴催協濟疏

巡撫何起鳳

貴州開省原設貴州黃平等二十衛所額設軍糧
共九萬二千有奇一歲所入不足以供官軍半歲
用國初坐旅湖廣四川二省協濟以充軍餉布政司

添設右叅政一員
勅書往來催督查核稽緩

頻年以來四川府州縣印糧官俱各仰遵

德意全完無欠惟湖廣拖欠獨多蓋緣二省

事體又各迥殊在四川各府州縣照數追完

省布政司類齊差官總解俱係當年徵收當年完納

在湖廣各州縣不照年分陸續差人交收每起僅百

餘兩解戶跋涉道途險遠難保無虞豈類解之法獨

不可行之湖廣耶貴州設在邊隅諸夷盤錯為難

藩籬滇雲門戶最重要地而官軍俸糧月月支

一公帑匱竭官司束手無措意外之虞所當深慮

者伏望 皇上勅下兵部再加查議將湖廣
州二府并郴州各屬協濟折糧銀兩自萬曆
始照依四川類解前例改歸該省布政司
責成各府州縣印糧官如數催完開報該
官類解布政司交納完明每年取足三萬
兩之數年終報部若有仍前逋負者就將
報到該管印糧官員住俸降罰以後本省撫
臣陞任合無容令將湖廣四川布政司及糧
儲道各印此官分別催繳完分數遵照欽奉
勅內事理一體循例舉劾庶人心儆惕邊儲
不匱矣

龔灘稅議

巡撫何起鳴

一龔灘地方原係本省思南府水德江長官司所轄
民地弘治年間被四川叛酋酉陽宣撫司殺占將龔
灘設立抽分有往過花鹽船隻抽取稅銀每年獲利
數萬假以該司首領教官柴薪齋膳爲名而入其私
囊者十恒八九議者謂宜盡屬貴州委官抽分既經
前巡撫都御史張題請每年該司止解稅銀七
百兩充銅仁軍餉支用難以盡利布政司及時委官
守催照年滿足不許拖欠亦接濟軍需之一助也

移雲南協濟議

巡撫王緝
按馬呈圖

據貴州按察司驛傳道呈稱查得貴州驛站萬曆
年自正月日起至十二月終止應付過雲南馬二千八
十八匹夫二千七百三十一名本省止用過馬七千
三百三十七匹夫一千三百九十一名以十分爲率
在雲南用過七分在貴州止及三分至於上六衛西
四衛各驛站不下數千盡皆雲南過客而本省之用
則十無一二是驛站荅應本省有限應遞雲南其
矧各貧軍代民養馬累及借貸貽害身家衛所站堡
軍夫數不滿百朝夕損擡有無息期隨查平溪清浪
鎮遠偏橋四衛所站堡雖隸湖廣所轄實在貴州境

內一應由貴入滇者此爲門戶該衛站應付絡繹相
尋較其苦楚之狀實與貴州相同今據龍里清平二
驛馬戶李朝金蘭世忠等告各訴前情及湖廣鎮遠
四衛相見等舖亦要給賞協濟各一節爲照貴州路
惟一線軍代民差年來苗民叛服不常果非得已相
應俯從合無將貴州驛站之費議於雲南分認其半
或將原額協濟銀兩加倍增給俾各馬各夫俱霑實
惠以解懸倒之苦蓋恤貧軍者所以處夫馬而厚貴
州者所以便雲南則彼此不相病而且相濟矣等因
到院看得貴州驛站之夫馬出辦取諸夷民承走代

之軍舍向賴雲南協濟僅可支持迹緣夷民之拖欠
斬多軍舍之逃亡殆盡額役既少則雇倩不容不增
添差遣頻繁則勞費不能不加倍以故漢夷俱困軍
舍顛連道路滿饑餓之容閭閻極憔悴之狀向蒙貴
院垂憫屢播仁言地方傳聞均切感頌因冀加增協
濟蓋人窮反本不敢不籲天而呼父母且剝膚之災
急於求瘼故不覺控詞之詐過於激切也倘荷特澤
慈憐大破常調不惟貴州驛站獲受解推之恩而有
事地方者亦霑補助之惠矣

○文田疏

巡撫劉順孫

據貴州布政司呈查得 大明會典內開貴州布政司田地自來原無丈量頃畝每歲該納糧差俱于土官名下總行認納隨查本省所屬民糧田地黃冊開有頃畝不及一半軍屯田地魚鱗冊籍開載頗明後來又有科田夾雜移東改西莫可究詰此自來所以未定田畝也今奉 明旨清丈行令各委官分投查盤舊管田畝在有司共該官民田地一百四萬二千五百九畝該夏秋稅糧四萬三千六百四十九石六斗六升八合在軍衛共該屯田地四十八萬七千六百二十四畝該夏稅屯糧九萬四千六百四石三斗三

升五合科田一十二萬八千六百七十四畝該糧六千八百八十五石一斗八升七合內除免丈外其應丈者在民田該三十二萬八千五百二十九畝在屯田該三十三萬五千九百六十四畝科田該八萬八千二十六畝節年失額民田四千二百三十畝屯田四萬七千五十一畝科田五百一十二畝今次丈出隱占等項各除祇捕失額外尚有餘剩在民田一十四萬二千三百一十四畝屯田一萬七千一百八十一畝遵昭部議不得增糧應與額田通融攤派以免日後包賠內普安永寧赤水畢節烏撒五衛被夷占

去屯田計其丈出之數不足抵補就于丈出五衛新
墾科田通共七千二百七十七畝內攤糧撥補足額
外尚有貴前龍里等衛餘剩科田一千九百一十五
畝查係軍舍新墾不在屯田數內該起糧一百三石
一斗又清出貴州前衛故絕田三十六畝八分該起
糧七石一斗一升六合及查黃冊內開晉安州夏稅
地二千三百二十七頃五分今丈止有二千三百二
十七畝五分向未辦納夏稅二百三十二石七斗五
升是每畝起糧一斗實與通省徵糧之例相合黃冊
以畝作頃明係差訛相應改正其先年誤增前衛屯

軍餘田浮糧一十一石九斗應與除豁至于廣西四
川二省夷民越占屯田今雖已將清出起科田地補
足原額仍應移會兩省委官查勘果夷占是實另行
歸結通蠲減派呈報到臣看得貴州封壤原係要荒
土司與衛所相攙軍伍并苗獠雜處雖輸納惟正之
供向有額糧而俯順遠夷之情實無田總或指坵指
段標認界址或計稅計把納辦稅租間有頃畝籍數
在官亦皆由彼自報多非的據故

大明會典開載貴州布政司田地自未原無丈量頃畝
每歲該納糧差俱于土官名下總行認納蓋匪特羈

糜之義當然抑且禁者不行也曩嘗成賦之始亦各相安柰法久弊生豪強者恣兼併巧爲影射之奸懦弱者被侵漁橫罹包賠之苦或田多而糧少或田少而糧多甚至有田無糧有糧無田流移轉甚連負漸多下損生民上虧國計皆由於此今蒙

聖朝洞燭隱微嚴行清丈矢竭心力圖副責成因思土司苗寨界限難分峒箐坂坡段坵易混矧田地無著額則丈量無憑依若不先行稽查恐奸詭設詐反滋弊端隨令委官預將合省應丈免丈田地各照原指界址區畫里圖并將原計把計稅折等數自與原有

頃畝者逐一丈量復印以步方防其更換加之竹索
絕其那移立之標竿以別界限而便登記督以牌令
以禁騷擾而遏阻撓故勢要不得逞其故態而巧偽
無所售其隱奸未丈之先接踵自首抽丈之際挨次
告投據今日之新清合預計之大畧再四扣算總概
方明浮糧既開除正糧亦輕減失額已補足額外復
增多不惟應丈者哀益均平而免丈者清查亦的費
州田地自來無額今始有額豪強影射之弊盡革困
窮包賠之苦復蘇矣

復西山司寨疏

巡撫劉序

查照以平軍民府設在邊陲界定之原轄西山陽

洞長官延袤頗廣昔稱富庶倘無之撞之亂遂爾背

叛至今在廣西約束則曰原屬貴州之黎平在貴州

稽查則云盡爲廣西之占據互相之避靡可羈縻吏

目俱經改除印信又已進繳續該知府張翼先至

省臣將郡誌開載及今當招撫之由指示本官本官

回任多方撫諭而酋長常昌金翻然悔悟率衆來歸

且報人丁二千餘名口認輸舊額錢糧七石覆行該

府詳審果出歸順真心雖邊地蠢苗若非盛世所

重而叛苗曠土實則版籍攸關負固百年歸於一旦

皆由我 皇上治教淪浹

廟謨宏遠所致也伏乞

勅下該部將韋昌金先 賜給冠帶聽其撫恤舊苗原

繳印信仍乞 頒降前來暫發本府貯庫而諭本會

三年之後果能盡率所部永堅一心輸納差程依期
不爽令其承襲祖職給與印信專管應復官吏衙門
另行議處如此庶招安有術而夷民知所觀感梗化
既服而邊徼益可無虞矣

議設州縣疏

巡撫于應龍
按王

據左布政使張明正會同參議程學博張堯家按察

使紘富副使王任洪邦之少訥提學僉事吳堯弼都
司楊雲程朱鶴齡議照程番遷府入省議留通判一
員駐彼坐鎮一應徵催錢糧緝捕盜賊皆其管理但
有官無印人情易於怠玩且陞遷差委更代不常以
致番夷見非專職衙門事權不重威令不行糧馬率
多逋負剽劫恣其橫行甚非經野安邊至計是程番
設州無容復議矣再照會省衝繁非一府所能獨理
而設縣以分理自有不容緩者第改建一節不敢輕
議者蓋恐財費浩煩衙門之興作官吏之俸薪有難
于措處耳今該貴陽石阡二府知府周一經表亮等

重覆參酌稽查工費已有堪動銀兩俸薪無煩加編
程番府官雖改移在省衙門城垣學宮見存今議裁
駐鎮通判改設知州一員州同知一員該司吏目改
爲州吏目其俸薪門皂等項即以裁革通判者轉給
知州裁革吏目者轉給州吏目州同柴薪議於裁革
各土司吏目內轉給程番司土官程弘道既不願改
土州判仍照長官司舊職聽該州提轄貴竹新改縣
治已買有地基及起建工費該府貯有銅錢變價足
以取給如有不敷量議給補亦無難處知縣俸薪門
皂取之裁革各吏目俸薪數內典史俸薪即以裁革

該司及目轉給俱為有餘至于吏書之供役師生之
改移會議已悉更無窒礙其正土官宋顯印改為土
縣丞副土官竇國梁與平伐司土官庭拱極俱改為
土主簿在庭拱極自有私庄田土原無糧差遽難別
議宋顯印等柴馬供應各處分停受衆情悅服相應
呈請合無將程番舊府改為州治貴竹平伐二司及
歸化新哨二里改併一縣俱隸貴陽府統屬貴竹平
伐二司印信候事定 奏繳其設官置吏改撥師生
裁革吏目并移給各官俸薪加給宋顯印竇國梁柴
馬銀兩及欽定州縣新名 頒給印信改給土官 勅命

等項乞照前議會題等因到臣議照隆慶元年該撫臣杜拯按臣王時舉有改程番府入省將貴竹平伐二縣為附省二縣之奏即蒙先帝俞允部議特賜改建已有成命至隆慶二年該撫臣趙錦按臣王時舉題請欽定貴陽府名因慮郡邑一時並建頗覺勞費徐議建縣之舉萬曆十一年該撫臣劉庠復有程番改州之

請并申明併縣之議已十餘年尚未舉行又該臣等應加參酌採之輿情無有異議相應題請伏乞

勅下該部查議如果臣等所言不謬請乞將程番舊

府改立一州貴竹平伐二司併改一縣俱隸貴陽府

管轄恭誌 聖明欽定新設州縣之名鑄給州縣示

新州儒學印信特選才力廉幹官員陞遷銓補前
知州知縣及應設州同吏目典史等官一體銓拔
限前來任事土官宋顯印准改新縣知縣丞
庭拱極俱改土主簿如伊祖原有 欽頒

聽交布政司驗明呈部奏 請換給新設縣印

勅書以便世襲司印一併送繳一切建治衙門

校生員并給官吏師生俸廩柴薪事宜俱照

照覆 免條例事欵施行○一議土司分

筑安撫司并程番等一十六長官司

轄今查二司并歸化新哨二里改立縣治程番等一
 十六司通州木瓜上下克度四里俱聽新州管轄惟
 全筑安撫上官秩從五品原無屬州事體仍應徑隸
 貴陽府轄口一議設立官吏查得程番新州應設知
 州一員州同一員吏目一員儒學學正一員貴陽附
 郭新縣應設知縣一員典史一員該府原於遷改之
 初議留駐副程番通判一員應行裁革據該司議以
 程番司吏目改為州吏目今查州吏目係從九品長
 官司吏目係不入流仍候另行銓補為便新州縣各
 應設

刑工承發七房各典史一名州學吏

一名俱聽布政司考撥應役其程番等一十六司既有新設州官正佐統理于上原設各司吏目頗爲冗員合無酌量去留內惟木瓜大華二司疆界寥濶相去州治頗遠應存原有吏目以便相兼其官管理農民事務又麻嚮司吏目先年已經裁革尚有十三員并貴竹平伐已改二司吏目俱應裁革今查在任止有程番司上馬橋司小程番司常番司大龍番司應番司吏目七員請乞 准賜就近改補新設知州乞勅該部查有近省通判員缺 題行改任以免重疊該部之苦又貴州省城額設僧綱道紀陰陽醫學衙門

向以未有府治俱隸宣慰司屬今既遷貴陽府入省
前項九流藝術之人本該貴竹附籍之民原非宣慰
司所轄夷羅可習學者各該衙門并應改爲貴陽府
屬原有印記篆文係宣慰司僧綱等司之印合行請
乞 准與換給改稱貴陽府僧綱等司之印以便管
轄○一議官吏俸薪查得新設知州俸鈔柴薪人役
即裁革通判原數抵充新設吏目典史俸薪亦以裁
革吏目二員額數抵充俱可足用此外尚有裁革吏
目一十三員該柴薪一十三名每名銀一十二兩共
一百五十六兩皂隸二十六名每名銀六兩共一百

五十六兩今新設知縣該柴薪四名銀四十八兩馬
丁四名銀四十兩新設州同該柴薪銀三十六兩馬
丁銀二十兩尚餘一百七十餘兩並可改充儒學教
官馬夫齋膳之費該州官吏俸鈔應於本府存留倉
該縣官吏俸鈔應于豐濟倉各照例關支其州縣各
官應用門皂禁兵等役查將貴竹平伐并程番等司
原有在官跟隨人役撥給跟用願雇覓者雇覓願親
役者親役俱俟州縣建立之後酌議措處其改授縣
佐土官貴竹司宋顯印改爲土縣丞審國梁改爲土
主簿原有司民出備代祿月米正上官三百二十四

稱副土官二百一十二稱今既裁革准給崇新二名
各銀二十四兩馬夫各一名銀十兩聽于原出月米
人戶徵給交用其平伐司土官庭拱極改爲土主簿
原有祖傳私庄足供養贍聽其照舊管業無容別行
派給庶土漢官吏俱有養廉之需而州縣夷民可無
加派之擾矣。一議建置官署查得程番新州原有
城池衙門遷徙未久俱各完固今以府治改爲州治
府學改爲州學稍加修葺無煩多費惟新設附屬縣
治應行創建先該布政司查有官買地基形勢妥當可
建縣所布縣堂衙門吏舍營作工料見經查有庫貯

交價錢計可抵銀

以支用如尚有不敷之數

聽于布政司扣留備賑司銀內湊支不許分毫派
優縣民以滋科歛之害庶部民益切于來之誠而官
署咸有鼎新之制矣。一議生徒分撥應于司府兩
學撥發俾得均濟。今無先撥廩膳十名餘候提學道
考校有堪作養者。自宜照普安州學補足二十名之數
其增附生員亦照此數扣撥以成州學之制起貢年
分照依州縣成規起送應支月廩照原在府司二學
成例支給。一議轉轄監司查得貴州自遷府入省
與貴前兩衛宣慰司俱同處一城軍伍之與夷民相

錯而居文武漢土衙門並峙鼎立勢相頡頑莫可統
馭一切軍民之爭江盜賊之防禦夷漢之構爭所賴
以提衡要束於上者則該守巡爲最急矣乃今安平
守巡道管府而不管衛貴寧守巡道管衛而不管府
一遇地方緩急欲令府衛同心協濟每每苦于無所
責成以爲聯屬之地乞將按察司清軍驛傳副
使兼管貴陽兵備戎務頒給 勅書凡貴陽省城府
衛宣慰地方哨堡兵旅捕盜保甲事宜悉聽其整飭
經理其貴寧分巡道止管畢節赤水永寧烏撒兵備
事宜安平分巡道止管威清平壩安莊至普安上六

衛兵清淨宜久 勅令石無試有程無府并貴前
二衛地方在內不必換給自可遵守至於宣慰司疆
土甚濶與貴寧安平兩道所屬郡衛地方俱各聯壤
仍應併聽兩道節制以重彈壓之任庶監司之統馭
既各有專職以責成則文武之屬員必可仗聯屬以
共濟矣

大木疏

巡撫舒應龍
按毛在

為欽奉 聖旨事萬曆十二年四月初二日准工部
咨派貴州大木板枋數目緣由備咨前巡撫都御史
劉庠索行布政司查行間該臣接管催行該司會同

按都二司備查先年採運事宜工價集議類詳去後
隨據左布政使鄭曼會同按察使彭富署都指揮僉
事楊雲程呈查得嘉靖二十六年坐派貴州採運楠
杉木枋共四千七百九根用過價植并各項費用
共銀七十二萬四千六百六十五兩七錢五分六釐
彼時庫貯堪動之銀止有一萬四千九百七十六兩
不敷應用議詳總督撫按衙門會題行令廣東等省
解銀協濟內廣東陸續解過計銀十萬一千八百五
兩雲南解過藍課銀一十四萬一千二百九十五兩
五錢江西解過大工銀九萬山西解過三萬五千

兩支用今奉派採木枋共一千一百三十二根塊內
楠杉大木原未定若干根塊今照先年則例定擬
價值其長徑厚薄必者照例遞減又栢木先年原未
派取今查與三號杉木圍圓略同會計約用銀十萬
兩合用運木水手等項該銀一萬餘兩又先年拽運
夫役派各衛所上司協助今蒙

明旨不許加派俱出公帑崔募約用銀一萬餘兩係在
上年木價之外以上大約用銀一十二萬餘兩及查
庫貯止有二萬一千六百五十一兩八分四釐尚少
十萬餘兩別無措處該各職計議合無查照先年議

派江西山西廣東等處協濟銀兩事例題

請議處解濟等因呈詳該臣批據議採木工費履歷往
贖似已詳確但稱木產山菁深阻近水者採括已盡
今搜索愈深拽運益苦先後難易恐難盡同宜再行
守巡各道督同地方各官召商訪估按數給買部文
既無定數准照今派數目責各府衛分認明白應可
會計總數具報先次商人已解木價聞有未盡給領
或以往事為戒疑畏自阻即便大書簡明告示本價
必照原估定數全給每號木價若干先給若干餘
某處驗明給若干至今交收補給全完若干應可

舜舜商民競赴採辦也大木奇材多產土夷豁洞仍行
文曉諭土官圖報 圖思多方督採又該巡按御史
毛在批庫貯銀兩准動支給發召商買辦其協濟一
節候酌議會題并牌照前項價值及先年採取去今
二十餘年恐木商遠近不同價值貴賤不等搜運出
水難易相懸行司會同二司并守巡各道行各府縣
查訪一一從實酌議務使官無冒破商共樂從庶幾
克濟具由通詳續據該司呈稱遵依出示召商本
行湖廣四川司道備查估計木價事宜隨准四川布
政司咨及湖廣辰州道開報各省木價與本省無異

價值不侔有多至一倍之外或三分四分之者又該各道督同府憲官召商各稱採運之難大異先年叅對川湖二省開報木號丈尺長徑相同價值迥異欲據本首先年原價為準恐臨期工費之鉅商民勢難賒賠款以川湖開報之價為的即兩者所議互異亦難定以何者之唯取裁折衷合無姑以本首先年定價計羨先給一分興工及至尋訪得獲報驗斧採聽各道書成監採委官逐一籍計開山墊路架橋等項合用夫匠人工物料之費候拽至水次之日計築造開查明原價果有不足照數補給庶下無貽累之

苦上無冒破之虞等因到臣會同巡按御史毛在議
照大木採辦異材悉該連雲干霄之質積累歲月逾
數百年非深歲山谷險僻之區何能早免斧斤之患
以待今日之用自嘉靖三十六年採運至今僅止二
十餘年新長者培養未鉅舊有者搜索已窮所據司
道舊行所屬各官召商訪採各稱尋覓之艱搜運之
費百倍徃昔委非飾詞臣等伏讀

明旨渙頒諭令各省多方採買陸續解進不許加派
擾民則奇材採運之艱民力凋疲之極已蒙

聖明洞照軫恤之至矣臣等遵領宣揚德意徧行揭

示約以木價之查給分限全完不如往年之扣留
欠議處夫役之催倩盡出公帑不如往年之派辦追
擾即今民夷酋長漢土官商無不欣欣競赴趨事深
入山箐竭力採訪務得異材以副 鼎建大工之用
惟是價值工費即以本省先年舊價約計用銀一十
二萬餘兩然限苦既倍于往年則舊價必難以足用
况叅之川湖二省多寡不侔卒難定擬貴州于寰輿
最稱窮瘠荒遐之鄉本省官軍俸糧什七仰之鄰省
什三取之夷民節因連歲湖廣逋負之甚窮邊軍士
每每逾期枵腹支給不敷寧有羨貲存積待用見據

該司查報庫貯銀二萬餘兩可能補湊即今工部覆
議應用官銀三項如扣留額解本部料銀貴省素無
此項派徵先年事例銀兩僅存八百兩即在查報存
庫二萬餘兩數內新開採木例銀貴省窮荒素鮮採
納監儒加級官生獨有印承吏典一行又以募兵糧
餉取給于此先經戶部覆 允開納銀數輕于新例
自無舍少趨多之理夫無米之費巧婦不能夫匠不
集供需難緩此臣等反覆思維不敢不預為協濟之
請以仰瀆于 宸聰者也伏乞

聖明軫存邊省匱乏之極公私搜括之難

勅下該部覆加查議如嘉靖三十六年行移江西山西
廣東雲南等省以解協濟貴州採木銀兩果有題

允事例即為比照如矣今次見用不足之數如依先年
本省之價計銀十萬餘兩如照川湖二省今估之數
該銀十四五萬兩酌量分派各省勒限差官押解貴
州務于本年十二月終解到以濟採運緊急之需其
鄰省土司如播州宣慰永寧宣撫地方舊與貴州衛
所山谷參錯先年俱由本省官商斧採運出貴州思
南永寧河路聽臣等督行該道曉諭照舊任從訪採
毋得倚恃異屬阻撓但有訪報異材楠木一號二號

杉木一二號價至百兩以上者准價二百兩准行加給
賞銀五兩一以激勵効用之勤一以量資艱苦之助
採運木價准照該司議報姑以本省先年舊價為準
先給一分解發各等官分給商民起工以為召
匠雇夫開山墊路其餘俟採運出水查據各道開
報監採委官紀核各號木值工費細數應加給者加
給應照舊者照舊除先給一分外未領者以三分查
給一給予初司水一給予運至楚省大河一給予
到京完解備該司每木一株給發印信木價單紙
一張將木號長徑丈尺出產地方監採何官採運工

匠四次分給價銀逐一開填于內給商為照以便屆期給領毋如先年木已完解價未全給

奏告紛紛竟惟傾費流移之苦凡坐委採木司道軍衛有司流土等官有推避遲延欺悞者聽臣等不時按法叅治事完之日仍容會同查劾効有勞績採獲異材數多者特行

奏薦紀敘勤勞稍次者酌量獎賞示勸庶使工費既裕則商民益切子來之誠賞罰有章則群工咸懷共濟之念鴻材可望其畢集窮邊無苦于重役矣

永寧開通河道

景川侯曹震

洪武十三年十

十三日欽奉

皇帝制諭景川侯

令前往四川永寧開通河道合用

軍民四川都司左同知貴州都司即便調撥大小官

軍悉聽節制如 制奉行欽此於洪武二十四年正

月初七日到成都分遣官屬各任其責永寧水陸路

自瀘州納溪至摩泥驛橋道委四川都司左同知助

一右同知徐凱成都後衛指揮使苑正提調衛府州

官軍民夫以疏通之自永寧至曲靖驛橋道路委貴

州都司同知馬燁提調永寧赤水畢節烏撒等衛軍

夫以修理之建昌驛舖橋道委四川都事僉事潘永
建昌衛指揮使月暮帖木兒提調軍民以開通之保
寧驛橋道至陝西漢中府界委成都後衛指揮僉事
王清提調軍民以修治之松茂驛舖橋道委茂州衛
指揮同知俞勝提調松茂威州衛所軍民以平治之
貴播驛舖橋道委播州宣慰司楊舖重慶衛千戶鍾
洪提調軍民以開之各府州縣夫役委四川布政司
左叅議朱福松潘衛所鎮撫任允以董督之其間水
之險惡者莫甚於永寧其灘一百九十五處至險有
名難者八十二石之大者鑿之水陡者平之使舟楫

得以通舟楫之險者莫甚於建昌煇吉縣又黎州大
相公嶺崖閣險崖於是闢取山石從江填砌閣三四
丈番等河水九十九渡於是新開直徑造橋五十有
四來往者使焉保寧千佛崖古作棧閣連威修葺工
費甚多宜相其山勢闢取山石從何填砌閣四五丈
自四川至陝者無難焉軍夫計者軍三萬二千夫四
萬五千官自二月初七日興工五月十五日住工歇
下秋九月初一日興工至洪武二十五年正月十五
日工畢通計八月震上奉 皇帝之命下用都指揮
叅議宣慰千百戶之官克相有成不敢展而不書

○ 開河檄

巡撫舒應龍

貴州會省萬山陡峻溪流未通軍民糧食負擔背負
 為苦查有南河一水可達思南先年屢有開河通舟
 之議竟為浮言所阻行勘未詳遠爾中擬宜選委素
 有心計不避艱險文職一員隨同沿河踏勘酌估一
 應開鑿事宜應用漁舡水手石匠兵夫刀斧器具聽
 其開報取給中間道路經由新添平越楊義白泥草
 塘衛司應行給文各衛并土司衙門責成本管各官
 兼同踏勘各官應用符驗夫馬及隨行匠役盤費口
 糧一併開報詳發凡河路有妨民田者估價平買有

生端抗議撓阻者訪以具平寃

勘疏河遺糧略

巡撫江東之

照得貴州萬山陡峻溪流未通軍民貨財轉運為苦
查有南河一水可達思南先經委官勘計已詳因歎
經中寢近詢士民咸稱永利時值採木亟應舉行
第委周得人斯于地方有補今該本院會同按院
訪得標下遊擊將軍楊國柱操守端嚴才猷敏練任
以東替之寄必能成永賴之功為此除牌行布政司
查議外牌仰本官即移布政司查將沿河踏勘酌估
一應開鑿事宜應用魚舡水手石匠兵夫刀斧器具

逐一開報取給本官即便離任親往其經由新添平
越楊義白泥草塘等衙司聽本官徑行各衙門責成
該管各官再加覆估要見某處沙石有碍必加疏鑿
即可通舟其杉木冲震天洞魚子洞等處有無石阻
綿亘難施工力或應避路別通一道或應上下兩截
換舟總計自省至思南水行道里若干陸行道里若
干逐一圖畫貼說險易併計工費呈報以憑設處錢
糧至於應用竹木先據報於近山斫伐經過沿河亦
無田地相干不必再行查議本官務須乘時垂利毋
使侵擾妨民但勿因仍虛應致負兩院公委先將隨

行夫馬匠役盤費口糧議報處給仍呈按院詳奪施行

賑穀流通議

巡撫江東之

余謂拯饑之政富鄭公在青州為百世師倣其意而行之在後賢焉與賑田之利除賑糶之害今日事與除害於今未必不生害於後特舉其槩與諸大夫同人議之或曰黔之天時繁陰雨山溜灑泉可資灌溉不若中原赤地千里茲田也所賑者少所積者多矣紅嶺表自古嘆之我取其陳以增其畝子孫黎民有利哉余曰賑租幾萬斛清餘田損逸為

也等弊幾得三萬斛特惠谷不流通惠不流決而
者非田也又何增焉或曰黔中山多田少舟楫不通
穀曠價踴歲之通惠此時平價以糶及秋成糶之無
損于積倉有濟于艱食此兩利之政也余曰黔之糶
室多積穀待價官糶之使民食其平乎官不能自糶
非委之胥僧則選之奧博其害與糶販等耳奈何既
祛之而復蹈之耶或曰黔軍多而民少加息于軍民
陰受其賜價踴之時以穀與軍而扣其價穀踴之時
以銀與軍而扣其穀此官操其權而簡則易從軍隨
其顧而便則可久也余曰茲良法也稽之軍餉暮秋

本色則給銀非軍之利冬春折色在倉無可扣之糧
茲租也又貯之不可易價以貯之恐以資他窘而虛
賑之名也又不可官糶而官糶之不能給之于軍而
扣之于軍以無定之價變有定之額又不能無已限
數以放之限期以徵之乎或曰此青苗法爾余曰不
然青苗貸母錢以取子錢民樂于貸之多不慮于償
之難上下交相玩以成此害也賑租之貸民不得取
盈官不得牟利無利之責民樂于輸取數之寡民易
于輸矣或曰富民能償者不貸貧民願貸者無償奈
何余曰荒年議賑先貧民不及富民豐年議償惟富

民之聽必先貧民之防遊民無家者不使借國庫
生業者不貸官與軍皆可者况中人十金者庶比
皆是七八月之間斗米而價倍之孰不樂于貸而勇
于償也以紓其難乃愆其期是不可以德化不可以
情感以法繩之雖欲負其將能乎或曰民可齊之以
法矣青衿子負擔儲法何可加也余曰救荒之道先
賑士而後賑民逋負之法先齊民而後齊士秦增置
學田以優士令學官掌之收放行于有司士不得與
其父兄子弟貸者不得借資中無撓法之人官府必
行之法且法之信而不易又非法之重而不堪行之

三年六年而九年焉田不增而租歲積黔雖饑不害
縱有兵興之繁士無餽糧之色黔其庶幾哉此為省
域言之若他境田多山少則常平之法可行也大抵
有治人無治法所委不得其人民將怒于色詈于市
余之竭心思也祇為厲而已矣若謂法外無遺孽也
則余豈敢

銅仁建縣疏畧

巡撫江東之
巡按應朝卿

題為俯順輿情建改縣治請乞

乾斷銓官鑄印以光

聖化事照得銅仁司土官李永授虐政殃民里老陳秀

黃嘉賓趙子中等連名奏
奇等於萬曆二年狀告改縣至十四年內士民范軫

請剷除蒙准勘實發雲南平夷衛克軍改縣之告民情
孔亟及撫臣林喬相按臣薛繼茂行布按二司會勘
隨委思南知府趙坦本府知府張錫推官江騰鯨審
據鄉官士民萬貴陳應麟楊通明陳黔產張儒等議
稱李永授靈國殃民惡積盈貫其祖李述祖以漏泄
軍情問克鐵嶺衛永遠軍永授滕隴承襲又犯軍罪
及杏原領

誥勅其子以謙稱失無存是前犯重罪已當從革襲揭

黃之例况銅仁文物與中州埒安忍使之俛首夷虜
而日坐湯火中也且縣治設於附廓既無築城之費
輸助本乎人情又無加賦之擾其間一二未備勢不
能不取之民者亦暫費而永寧之孰不鼓舞樂從也
府官備呈到司通詳在卷及臣蒞任思石該道首舉
銅仁建縣為請臣以為改土誠撫綏至計設派恐經
制勞民諮詢經年駁議再四查據布政司署印副使
郭廷良按察司署印僉事沈思充分巡副使張斗僉
事方萬策梁銓都司張雲翔楊國柱議照設派改土
原為利國惠民用夏變夷亦當因時乘便土官李永

殺克戍雖殞其子李以譏襲惡不悛銅仁士民得見
天日尤千載一時也但土司改縣無罪則當論情子
孫猶襲佐貳有罪則當論法子孫遂為編民此貴之
慝慝可考者今以譏有罪復酌於情法之中與以土主
簿不許管事則法外之仁彼為踰涯之望矣伏乞題
請救民水火之危措之衽席之安等因并將建縣事宜
開款申報該臣等會同酌議改縣之舉不特於

國家治體在所當行揆之地方民情必不容已

聖天子在上華夷一家豈可使銅仁之民不得均沾

王化哉臣敢冒昧

上請伏乞

勅下該部查議如果臣言不謬將銅仁長官司改置一縣隸銅仁府管轄恭請

聖明欽定縣名鑄給印信特選才力庶幹知縣一員典史一員勒限前來任事土生李以謙改為世襲土主簿不許任事一切建置事宜俱聽臣等查照條列事款施行庶邊省之郡邑大備可垂永世之良規政治之牧養得人可慰士民之瞻顧矣

○一改設官吏司改縣治應設派官知縣典史各一員將李以謙改授土主簿職銜不許管事設吏四名

即以本司吏三名改充尚少一名聽布政司檄補其
司吏目應合裁革○一官員俸給知縣月該本折俸
米七石五斗於布政司豐濟庫及本府盈儲倉內支
給典史月該本折俸米三石即以裁革司吏目俸糧
抵給其李以讓有租田照舊管業無容另議每年量
給馬一匹價銀六兩夫一名價銀四兩俱丁糧內編
給○一官員柴馬各役工食每年知縣柴薪二名馬
丁二名共銀四十四兩門子二名皂隸十名禁子二名各
工食銀三兩六錢轎夫四名傘夫一名各工食銀五
兩共銀一百一十九兩四錢於本司區畫并各稅及

糧差徵收支給典史柴薪一名該銀一十二兩門子
一名弓兵二名每各工食銀六兩四錢八分即以裁
革司吏目原編柴薪工食等銀三十一兩四錢四分
抵給其六房紙劄即於開報紙贖銀內支給○一祭
祀鄉飲該縣設在府城無另設學宮壇壝俱止隨班
行禮不必另議至於公費各項必不可省者即于府
市屠稅銀三十六兩店租銀四十三兩二錢七分李
永授原侵占地基入官店銀二十五兩二錢共銀一
百零四兩四錢七分內動支○一修建縣治將府倉
改建及改修倉廩二項經費合用工料銀共三百五

十六兩有奇先據士民報助三百兩今查沒官店租銀五十兩老虎冲民居官地租銀一十五兩足補通融支用至于主簿典史公署有李以謙并司吏目原建廨舍無容另議○一該縣每年官吏柴馬紙劄門禁阜役工食并各項公用共該二百零四兩六錢四分即以銅仁司原編心紅紙劄弓兵阜隸工食并屠稅店租及李永投入官店租銀通共一百五十七兩六錢七分抵充尚少銀四十六兩九錢七分據各委官查議該司士民免遭李氏之虞願丁糧每石增派銀一錢共增銀四十九兩四錢九分除補給前數尚

剩二兩五錢二分仍為該縣雜項寺銷餘外不得派
及各民永為遵守

建湖廣天柱縣疏

巡撫江東之

為苗夷歸心已久多官查議甚詳懇乞 乾斷賜名
定縣以昭 聖化并留賢吏以靖邊方事職聞來則
不拒去則不追者台帝王禦夷之長策如去而追之
以清夷夏之防來而拒之以阻向化之志非計之得
也職請以天柱所之夷情為 皇上陳之萬曆二十
一年職任辰沅兵備僉事按行哨堡沿途告哀多稱
父子兄弟之妻離散由苗賊劫掠傳良嘴為最劇職

切憂之靖山知州彭學夔稟職曰將有介子奇功獻
者久之不報職問會同知縣陸可行乃語職曰豪弁
通苗為奸遇上官督責為此言以相誑耳自萬曆十
一年守備司弘莫敢徵征空處之亂令苗輸鷄糧許
遵舊議請建縣治一年之後盟渝法弛苗因復叛惟
建縣一事可使諸苗帖服刳殺潛消職駁之以苗性
犬羊何樂於縣官之拘繫也陸可行曰苗與峒民互
相荼毒官軍收疇蚌之利如苗殺我民官軍聲言剿
捕苗不得出入耕佈我民殺苗無所告訴統苗報復
或伏路要獲或不鎖索贖不問所報非所獲卒之利

歸劇家言建縣而所以縣建縣也會同縣峒民即
苗之種與天柱所近而離縣遠不但苦苗劫殺輸納
不敢往縣奸猾徵收每一兩騙至四五兩峒民素不
甘心日望建縣更切於苗也衛有貪官縣有貪民建
縣之說屢說屢止其故難言之矣職因革去通苗千
戶徐宏掌印而選霍羽代之至今院道稱霍羽為廉
吏陸可行有文武才足任其事但恐來忌者之口職
與之盟若盡心為國脫有利害願以職官陪之於
時職荷 聖恩陞南京光祿寺少卿分守道察政陳
性學代職接管所見與職同親臨該所以壯先聲陸

可行率百戶孔尚文一人吏胥盡屏準將入傳其書
之察論以 朝廷德威言論慷慨傳良喟仰頭請罪
願納鷄糧為諸苗先清水汪等十八寨莫不輸款賦
竊嘆用一陸可行賢於十萬師遠矣然其性學具
詳申報撫按二臣以建縣原非細故條舉其善始
撤諸司會議有欲行守備以坐鎮委道者以道符及
議會同主簿以分領添設會同縣丞以備稽察其
舉慎始之道當然也苗比皆不馴然遠近因風生事近
聞前兵備僉事孫守業令其備副使徐校以爲前後
垂然議鄭銳分巡僉事陳懌臨及詩中其善治加意

撫綏三道以吏（？）梓之得苗而時加策勵朱梓因
三道之文（？）而益（？）好修諸苗慕之如慈母畏之如
神君令之即行禁之即止雖有一二奸徒阻撓之謀
愈巧百千苗裔歸附之誠愈堅聞職復來相率迎於
三百里之外共稱保留賢官朱梓湖北三道請臣親
歷該所以觀苗情誠偽職許之遂走萬山崎嶇中近
其郭弘開坦夷四面如繡雖中土都會無能踰之所
謂天開地運不終淪於夷域者也行其庭棟宇整饬
美哉負侖皆夷人運木赴工不日成之所謂不費官
帑縣治聿新者也升其堂苗夷千人衣巾漢制伏堵

羅拜懇職代奏

萬歲天子願為良民誠所謂不藉甲兵煙塵息茲者也
職率湖北諸臣北向稽首颺言曰我

皇上德化暨及三苗革心自舞羽以來所未有者職等
何幸躬逢其盛因以花紅檣諸苗頭目責治叛逆作
劇者四人朱梓報陞海塩縣主簿勉留在任候會題
請

旨諸苗益鼓舞歡聲載道職抵貴州湖北請建縣治之
申文至矣職意昔為專屬今為兼制姑置之俟湖廣
撫按定議何敢越俎撫臣李
按臣趙文炳報職

書以建縣為久矣至計職復行湖壯三道詳議明女
副使兼參議鄭銳會同副使徐榜僉事陳惇臨檄辰
州府知府吳維魁推官李從心及靖州知州張和中
等反覆查勘備呈藩臣條議而悉剖之據其中文大
約以苗民視武弁如狼虎望縣官如雲霓禱服諸苗
非建縣無以順其心欲建縣以撫苗非正官不能擅
其權欲設正官以圖善後之策非朱梓諸苗掉尾而
去且新縣新官兩不相信此輩蜂擁烏合易生他變
恐撫之不可制之不可剗之又不可此時何可失此
機也三道親歷其地徐觀其勢有萬不得已於心者

乞職速為題

請等因到職該職看得川湖貴竹之

間每年養兵防苗所費何啻數十萬諸苗招之不来
今天柱所之苗惟建一縣治即麾之不去事當謹始
而慮終時尤難得而易失苗欲受成於縣而縣不立
苗欲聽令於官而官不設地方官屢許之而屢不
上聞再失信於今無以控馭於後誠有如三道臣之所
慮者人亦有言得原失信所亡茲多得信得苗誰曰
不可且苗糧因建縣而納不建則不納以苗之糧供
苗之用不但縣治一新雖

文廟與典史衙門各該領認是錢糧無不敷也洞鄉四

里與口六口七士民言戰後牒懇恩願附新縣推官
李從心審得其情是地方無不利也有城郭不必改
築有人民不必改聚設知縣裁會同之主簿設典史
裁天柱之吏目設教諭移會同之訓導諸臣舊有成
議是官事無不備也建縣之舉有利而無害酌事機
之宜者何憚而不為再照建縣非難得人為難不得
其人何論科目苟得其人何拘異途近日楊杲羅一
敬皆以吏員得陞知縣如朱梓之廉能何不展其長
才使之為

國家闢土地增戶口救此生靈於鋒鏑中耶至體可行

貴州通志卷十九
合
三十一
之於傅良嘴即張剛降廣陵之寇朱梓之派得苗心
有虞詡化朝歌之風陸可行以守制去他日邊才可
儲朱梓以陞任留今日之借寇尤急伏願
陛下明燭萬里夷情俯念邊陲重地

勅下該部酌議如果職言有據

欽賜命名定縣將湖廣撫按開報丁糧里數收入版圖
并 勅吏部將朱梓照楊杲羅一故例權用則用一
朱梓而已歸之苗益親設一天柱縣而未歸之苗感
化職見七十三寨共為窮髮編戶之民一十三哨漸
覩戢戈索矢之盛矣萬曆貳拾伍年題 准改設

石所開河議

知府郭原賓

照得鎮遠銅仁思南三府河道舟楫商賈往來每年各府取稅解充公帑是皆水利所致本府僻在萬山中西門外有小河一道徑抵思南大江自來未通舟楫隨該本職出示曉諭諸色人等有能熟知水勢者查勘河道應否開通舟楫以便舉行近據老人蔡博三周學易圖報自府前起至思南地名塘頭止僅約六十餘里其河內亂石險阻灣曲窒礙止有九處約用三百餘金再查本府板橋場離府城三十里先年本場人煙成聚百十餘家本府每年議徵花鹽牛豬

米布各行稅銀一百零四兩并各場稅銀共一百六十一兩九錢專給路瀨及石阡司領辦上司中火公差稟銀本府勘農應朝考貢盤纏作興標溢官員獎勵溜沙舖兵工食孤老冬衣等項公費支用按季填入循環開報兩院司道查考萬曆六七八年因思南府屬邵家橋塘頭二處各開場分比之板橋得省十五里槓運之費以此就彼貿易皆不赴板橋趕集而稅納亦歸於思南由是板橋生意蕭索一切稅銀舊額逋欠新額無徵為今之計急在開河河開舟楫自適商賈自聚因貨征稅足補板橋虧欠之數誠上下

兩利者也但查地名楊溪曾勝鬼野屬之鎮遠軍屯
木根來耙安家種家陳家三鍋庄野猪澤岩底馬納
子大塘坪等處屬之恩南民寨地非所轄本府不便
調度合無請乞本院憲牌給發曉諭聽從本府給銀
雇募不許抗撓阻礙如此則數月可以竣事不惟上
下永賴亦且逸而有成矣

責成川湖協濟疏

巡撫江東之

為邊糧積逋軍餉告急懇乞 嚴旨以專責成以濟
疆圉事切惟國之大事在戎軍之司命在食腹裏之
軍尚不可失其額支之期况貴州遠在荒徼諸軍以

身當苗胡可使之一日不再食也臣奉命於茲節
據貴州布政使司并督糧道呈稱軍餉缺乏庫藏難
支該臣此行立去督追本省及咨川湖二省撫臣嚴
追積逋以濟時銀去後又經不次行催續據四川部
解萬歷二十四年分叙瀘等府州糧銀前來其烏撒
烏蒙惠川鎮雄懋州所欠俱未完報又據湖廣回稱
庫貯無銀難以遞解而拖欠糧銀勢難卒追
止據分守湖北道督解正徵僅完十之五六除行該
司將解到銀兩接濟支放外查得貴州通省府衛州
縣司所結營哨文武官把軍兵每年供億該糧二

十貳萬伍千玖百叁拾捌石零銀捌萬捌千肆拾兩
零此分毫不可缺少者也今以本省有司軍衛歲入
屯科秋糧等項總計止有本色糧壹拾叁萬肆千肆
百石零折色銀叁千叁百玖拾兩零此外不足之數
每年額於湖廣長衡郴叁府州協濟叁萬柒百貳拾
兩零先屬湖貴糧儲道今改屬湖北道督追四川重
慶叙州瀘州等三府州協濟叁萬柒千肆百柒拾肆
兩零屬之下川南道督催烏撒烏蒙東川鎮雄肆土
府額濟本色壹萬貳千叁百貳拾肆石折色銀叁千
柒百兩亦屬之川南道督催播州協濟叁千壹百陸

拾肆兩柒錢零屬之上川東道督催以上官制擬
供以備歲出之請其不足之數則又於撫按衙門購
罰扣克軍餉及吏農事例銀內兼添發給印使三省
通完尚慮掩覆而况拖欠一至於此耶今查自萬曆
十四年起至二十四年止湖廣拖欠銀柒萬壹千壹
百伍拾柒兩肆錢柒分柒釐零四川播州拖欠銀
萬壹千貳百貳拾柒兩玖錢烏撒府拖欠糧陸萬
千貳百柒拾玖石陸斗銀叁百柒拾陸兩柒錢
府拖欠銀壹萬伍千伍拾肆兩肆錢東府府
壹萬伍千陸百叁拾兩鎮雄府拖欠糧叁萬陸千

拾柒石以上或共概欠糧壹拾萬叁千貳百玖拾陸石陸斗銀壹拾貳萬叁千肆百肆拾陸兩肆錢柒分柒釐勢已匱乏復加以征剿播酋及地方添置隱伏計之所費又皆額外之出則何能使庫藏不竭而先撫臣葉夢熊彭富屢催不完特疏題請兩奉

明旨令湖廣布政司將庫銀借解濟用候追各府州縣補還詎意該司託災傷毫無起解二十三年九月內又該撫臣林喬相題叅至十七年止欠銀貳萬壹千肆拾柒兩零該戶部覆開先據湖廣撫院咨稱除陸續解過外止欠肆柒拾柒兩零於二十三年三月內

貴州通志卷十九
五十四
差官丘彥卿等解赴辰州府交收轉解訖今稱前數
未完或由該府起解稽遲合行湖廣撫按覈實

奏報等因覆奉

欽依備咨在卷今臣揭卷行查而該

省布政司回稱前銀係完十九年以後之數緣各屬
難從撫院改充考成十七年以前之銀在彼既不借
解又不嚴追仍復以虛數遷延不幾於廢革 明旨

哉及查湖北道自專責以來近日完解正徵頗多蓋
由兼督之法稍可行也至若四川四土府屬之川南
道該道與貴州原無統轄是以視土司之拖欠慢不
經心縱有告急之文移玩如秦越貴寧道亦難以兼

制之令行之矣若播州屬之上川東道臣奉

勅督理履行催納半年得一回文但依楊首巧文虛塞
尤稱道路不通臣移文四川撫按切責楊首始認二
十四年五年之額臣喜其來而誠信之將促其解而
漸諭之也照得貴州漢少夷多不得不鎮以兵威之
重田少山多不得不望於鄰省之濟先因貳省解運
不前為之那借以待其追補今則追補不足年復一
年積虛已極其在布政司庫者除採木銀兩之外歷
有伍千餘兩各有支使項款十三省之司帑未有如
貴州之訕者貴州素稱備薄之省未有若此時之甚

者計筭軍餉將缺壹年之額慘耗庫藏再無那借之
金不但變生肘腋不能驅餓夫以臨戎即使軍徭承
平亦難枵腹以度歲此臣之所以苦心焦思而不得
不預為之憂者也乞 皇上軫念邊陲重地垂憐邊
軍無食可虞亟 勅該部再加查議上 請將前項
拖欠銀糧行令川湖二省於庫貯銀內借解接濟候
各追徵補還或將以後年分俱聽二省徵貯司庫照
濟邊事例依時解發及將川南川東比照湖北道專
督事例責成催完揚首錢糧不納專責之川東道不
得聽其飾逃之辭肆土府錢糧拖欠專責之川南道

不得坐視。其之急於目前之額。不鮮而適負甚。多是以諸土府降罰所不及而觀望效尤者名順而實逆。各土府同知通判等官。夷方所不赴而職司督糧者。名有而實無。且專制於二千里之外。受害則在貴域之中。更乞天語叮寧。嚴令二省撫按一體催督。司道等官仍前推委不聽約束。容臣據實奏治。庶官守知警。無掣肘之累。兵食有資。不致脫寸之變矣。

子外記卷之九

又四十一

修文類

開科取士

巡撫鄧廷瓚

我朝取士開科惟貴州附搭雲南弘治七年巡撫
貴州都御史鄧廷瓚等奏於貴州開設科場量增解
額部覆人材未盛難以准理止令貴州量助錢糧以
備雲南供給解額再增五名題奉

孝宗皇帝聖旨是舉人名數雲南准添二名貴州准添
三名弘治十三年巡撫都御史錢鉞等會題欲開科
取士欽定解額部議恐南北兩直隸浙江等布政司
一槩比例奏請未便題奉

孝宗皇帝聖旨是正德九年巡撫都御史陳天祥題嘉靖元年六年巡撫都御史湯沐等會同鎮巡衙門題俱未允行嘉靖九年給事中田秋題稱貴州一省遠在西南科場附雲南科舉生儒赴試最苦議者嘗病于錢糧之少故不敢輒議開科不知貴州雖附試雲南而舉人坊牌之費鹿鳴之宴皆其自辦也今所加者不過三場供給試官聘禮耳鎮遠永寧等稅課司每歲不下數百兩只此項足敷費用歷年撫按官屢經具奏其建置之地區畫之詳在彼必有定議乞勅該部再加查議開

後二省各于舊額止量增數

名以風勵遠人等因本部以雲貴二省同舉鄉試已
以貴州赴試生儒往返艱苦以事勢度之在所不免
但另設科場中間支費不貲相應查勘以便擬請備
劄到院行司該按察司掌印帶管提學按察使韓士
英議照貴州屢懷開科議者輒以舊治有碍人才未
充錢糧不及事竟中竊兩廣舊設一科及後另開人
才漸出以雲貴較之雖廣狹不同而天地生財國家
養士豈以彼此異視乎則舊治未有碍也貴州合省
士子不下三千餘人每科鄉試五經皆全上春官登
臚仕者先後弗絕則于人才未有不充也該省城南

隅見有空閑分司屢經委官查估堪為貢院合用錢糧動支庫貯無碍銀兩亦彀應用則于錢糧未為不及也屢請開科實為便益于是巡按貴州監察御史王杏疏稱貴州地方古稱荒服 國初附庸四川洪武十七年開設科目以雲貴兩廣皆隸邊方將廣西鄉試附搭廣東取士一十七名貴州鄉試附搭雲南取士一十五名永樂十三年貴州增建布政司以後撫按總鎮三司衙門漸次全設所屬府衛州司徧立學校作養人才今百五十年文風十倍禮義之化已駸駸與中原等乃惟科場一事仍附搭雲南應試中

途間有被賊觸瘴死于非命者累世遂以讀書為戒
倘蒙矜憫得于該省開科不惟出谷民黎獲覩

國家賓興盛制其於用夏變夷之意未必無少補矣况
廣西原附廣東今廣西久已開科遼東舊附山東鄉
試近亦改附順天府羣生稱便前項事理委于文教
有關國體無碍合無動支官銀於議定基址建立貢
院每科禮費量于稅銀內支給不必動軍國之儲而
可備全省之制等因奉

世宗皇帝聖旨該部知道欽此本部議照貴州文教漸
洽人才日盛科不乏人近年被翰苑基諫之選者無

貴州通志卷十九
四
往文章氣節與中原江南才俊齊驅今既查省城南隅有空閑分司堪立貢院即動支前項官銀于議定基址建立貢院依期開設鄉試以備一省賓興之制其原定解額雲南三十二名貴州二十一名今二省人才皆視昔倍盛伏乞

聖裁每省俱賜加增三五名尤足以昭一代文明之盛
嘉靖十四年八月十二日題奉

聖旨是雲南鄉試准取四十名貴州二十五名

廣解額疏

巡撫王學益

貴州地方自元以前雖曾服屬尚屬羈縻入我

國朝際蒙熙洽建置軍衛播移中土謗立學校慎擇師
儒衣冠所濡禮義漸同科目人才往往輩出然以鄉
舉附試雲南山川修阻道路彌月抱藝之士每因貧
苦難赴或至含抑而老 聖明御極化理茂弘

持允部議 許命開科凡在寒微皆知興起蓋自丁酉
以迄於今歷歲無幾而 聖意所示振奮頓殊人文
之盛弗啻倍昔若果解額未足以盡之者况湖廣五
邊衛學題 准就試貴州其中人才亦自不乏前此
中式已有如錢嘉猷等矣所據提學副使徐樾呈乞
請增解額又該布政司等官會議相應伏望

俯念邊徼人才難成易棄 勅下禮部將貴州嘉靖二
十五年鄉試解額酌量加增以勵諸士彙征之志庶
觀光者日以多其于文治未必無小補矣奉

世宗聖旨 准以嘉靖二十五年丙午科為始增舉人
五名連前共三十名欽此

再廣解額疏

巡撫林喬相
巡按薛繼茂

據提學副使徐秉正會同左布政使王來賢參政王
恩民叅議董懋按察使應存卓副使易以異都司葉
時偉周應熊林維喬覆議請廣

制額乞會

題施行等因臣等竊惟貴州自古稱為遐荒我

太祖高皇帝以神武定天下籍入版圖羅甸回春夜

郎姑且宣德四年設科取士附于雲南聊寓用愛

夷之意嗣後人文漸興至嘉靖十六年與雲南分科

勢不得不然也嘉靖二十五年為湖廣偏橋等四衛

生員就近赴貴州科舉始增五名非為貴州且每科

常中六七人又於中間妨占名數後節經巡撫嚴清

舒應龍巡按秦時吉毛在議疏

請加但來奉聖旨俞允人心且為鬱然况今附四川

永寧宣撫司學吳增貴陽府及定番州學矣

列聖棫樸作人之化 皇上菁莪樂育之神家藏孔壁
人握隋和真有莫知其然而然者分科之始貴州生
員通省止一千餘人今至七千有餘加以川湖五學
本省二學若猶仍舊貫甚非所以廣蒐羅而鼓舞遐
方之士也况貴州節年會試與雲南互相上下而館
選甚省常不乏人是雲貴人才本不相遠雲南四十
五名貴州連外學三十名多寡懸絕學校漸增解額
仍舊每至鄉場棄璞遺珠落卷強半主司長嘆而不
忍釋手貴州壤地褊小稱為一省解額三十名曾不
抵他省一郡之數臣等待罪地方見其山川秀麗人

物歲幾知 國家教化邳隆雖天地不能為之限歷
稽文獻而有聲于四方如禮部侍郎孫應鳌等皆
士之自出試仍以雲南合闈而試臣不知其登壇
幟者為滇士也為貴士也 國家科貢取士丹
途 皇上興學右文千載一遇用人如用木大
梁棟小者為構楹臣不敢謂貴州即有名世之
云十室之邑必有忠信方今治教翔洽子弟有
泮者其父兄以為僇家詩書戶禮樂可謂遊不
三年一比多士赴試會省路遠家貧

制數所拘與嗟黥額老死牖下而不得觀光于

上國效樽櫛之用豈不徒習舉業負明時哉臣等於
各司道再三詳議不敢扶同據諸生呈款比照滇省
則應加一十五名似難遽如其願其應加名數臣等
不敢擅擬非常恩命取自上裁伏乞

皇上體太祖設科取士之意累

朝以道化成之功酌雲貴多寡之中參今昔盈虛之數
增新科制舉之額以揚國家文治之盛使臣等亦
得附於以人事君之義則文風丕振夷方興起朋
杯得耀於光明疎逖免嗟於遺棄地方幸甚等因萬
曆二十二年具題該禮部覆奉

旨是該省科額准加五名欽此

改撥定番州學議

提學吳堯弼

該本道查得普安府學古規見廩生員二十名增廣生員二十名附學生員七十名及候廩增廣丁憂等項四十餘名共一百五十餘名又查得起貢事規貴陽思州思南宣慰普定等十府司衛一年一貢普安州宣撫司四年三貢威清等一十二衛三年兩貢平溪偏橋婺川等三衛縣二年一貢俱有成案為照地方風氣必以漸而開學校人文亦以漸而盛若因陋就簡人才寡少又非建學化俗之本意矣今該府集議前查得該府生員住居百里之

外每遇 朝祭大禮多不赴學及至行查多以路遠
借口今設州學擬乞復回原學此雖出于私情然亦
事體兩便合無除程番舊府民生見廩五名候廩六
名見增十名附學十九名習禮土民十名原以舊府
生員改入貴陽府學今建州學于舊府治似應復還
州學作養不在拈闈之例外仍當遵照勘合先撥廩
膳十名增廣十名該本道齊集二學生員不拘軍民
當堂同該府并二學教官唱名均齊拈闈撥得府學
廩膳生員羅弘化等五名司學廩膳生員李良棟等
五名府學增廣生員劉時雨等五名附學生員毛棠

等一十五名司學增廣生員周信等五名監生劉
朱仕弘等一十五名原增附學生員已共五十五名
足程番民原增附習禮土生五十名總共一百
入新設定番州儒學肄業其廩膳未足者
歲考優等有堪作養者并候原各生陸續補足
名之數歲貢一節照普安州儒學四年五貢
以萬曆十五年為始查取食糧實歷年
起送今後在省軍生止許附寄府司二
許假借原撥軍生名數援例員入州學

建貴陽府學議

提學

萬曆二十一年閏十一月內據貴陽府知府劉之龍
申據本府儒學生員王俊民等呈為請復舊議專建
學宮以全郡制以啓人文事該叅政王恩民會同提
學徐秉正議得學校之設所以羣一方彥髦而教育
之士習人文關係匪渺小矣貴陽自建府治以來亦
既二十有五年學宮雖有專除宮墻尚未專設師生
雜處司學之中齋舍依附司學之右不惟規制未屬
抑且職業相妨省會重地黷序賢關猶欲因仍舊
無改其舊揆之事體委屬缺典所據貴陽府勘文
呈將貴州驛改學委果地勢私開風氣假若致

庶等項規制量行改移磚瓦木植多用其舊事既不繁費唯從簡約合用工料并添買鄰近屋基共該銀四百六十六兩七錢五分五釐又諸生原呈報花果園既不堪改驛議買南關外馬榮街生員商尚質舖房一所另改為驛准將舊料一轉換添其所未備工費亦非煩難所用地價并改建工費約用銀三百零二兩二錢四分五釐以上通共銀七百六十九兩今查布政司庫貯官銀如餘稅墊席各項還官銀穀價銀可足脩驛改學之費相應呈請合候詳允劄行豐濟庫動支前項銀兩給發該府查委能幹官員收買

木料并給各房主收領先將貴州驛改造完畢堪以
荅應使客方將驛改造學宮庶為兩便等因呈奉
軍門林喬相察院薛繼茂批允二十三年落成八月吉
奉安 先師暨諸賢儒神位詳見巡撫江公記

申飭學校事畧

提學沈思克

一議選教職夫官以教名豈其竊祿食以送窮年毋
亦群庠弟子而責之教也如黔寥寥荒徼在在山谿
險阻不若通都盛藩師友觀摩可隨取而隨足故需
教也特亟而以邊方故博士員較他方特減即郡學
率多單設一員者且暮年荒學者十居七八教欲興

得乎為今日計即科甲不可多得惟適年選貢例開
又何靳數十人而不假之為變夷地也請乞本院
移行該部院以後貴州教職有缺悉擇新選貢生
補之久任責成效則特為優叙昔文翁化蜀非藉博
士弟子弗能也夫黔亦今日之蜀耳

一議委文職昔日之黔未有文也可以馬上治之通
來 聖化大行青衿日廣而提調者多係介冑之輩
此辟之方圓冰炭其奚入焉至名宦鄉賢鄉飲節孝
諸關大典尤宜慎重請 本院行令今後凡衛司學
校定派文職各以其方就近管理凡前禮舉行及地

方人才高下教職賢否與夫生員行檢優劣俱屬核
查開報本道平日各照地方悉心咨訪務得其真仍
即主行季考事非住劄處所就歷其地以便諸生赴
集各衛司以額費供之隨寓約束咨詢之意焉凡此
青衿固莫非司衛子弟更待人焉為之時其訓督而
裨益之獨非父兄之願乎有生參差相牴牾者必其
不肖者也自茲考課不勤典禮不核士風不馴咎先
文職本院注意作人即以此為舉刺第一義則黔中
之習必有改觀者此興起學校之大機也宣慰司與
清衛二學委貴陽府推官平壩普定二衛學委安順

州知州安莊衛學委鎮寧州知州安南衛學委永寧
州知州畢節烏撒赤水三衛學及四川永寧宣撫司
學委駐鎮畢節通判龍里新添平越三衛學委通判
駐鎮官清平衛學委清平縣知縣興隆衛學委通判
通判偏橋衛學委鎮遠縣知縣平溪衛學委通判
推官如有員缺聽本道另委

一議勞社

黔固夷藪也俗難頓化其群聚而成者皆
都軍若民喬居者久之歷祖父長子孫即自
著舍此無貴州矣冒籍有例禁本道約亦在
往往有假冒籍以阻後進路者甚則乘此

之賄此中之人苟非苗種即係外夷禮之員則自美
一唱衆和習以成風迨官府覈查而白其誣則其人
且為衆所凌逐喪氣以甘廢棄耳坐令生長茲土者
多終身禁錮之憂聚族而處者盡逸居無教之衆是
上之典起終無以勝其下之阻遏無恠乎黔士之寥
寥也即本道巡歷所至各處庠士頗亦備員而儒童
絕少職此之故若州縣未設學宮者其民絕不知學
非不欲學也學焉而無從進也且以司民牧教者而
朔望廟謁之禮廢焉不講亦豈化民成俗之意哉為
今日計學宮固難頻增宜令各有司悉心經理社學

無者議建有者增廊之州若縣無學者權設孔聖牌
位於社朔望則率其屬耆老子弟謁焉社設兩師一
師蒙一師講凡子弟年六七歲以上即令就蒙師為
之句讀稍長則就講師教之文義典故父母官以時
督誘而省試之社置一冊於蒙童入社之始稽其皇
貫世次錄之非土民則覈其流住歲月取里隣結而
載之冊俟本道巡校提調官試其可進者取結類送
一體考校取入附近儒學有以冒籍攻者即按社籍
為左券查照先年題

准事例凡三十年以上不為冒籍未及年者姑俟之其

游手游食時去時來賦役不辦於實事者持異於錢
者乃為冒籍不容入社寧容入學此法立而真冒籍
自無所容非冒籍者自有所辨然後地方寧籍之風
皆知子弟之不終以冒籍錮也而知教訓則益聚而
不散聚者明於禮義而不為非數十年後黜之為無
未可量也其土司武職應襲者並令自切在社習學
年長學進方請衣巾乃便稽查不致冒濫其苗寨向
風者即或彼置社遣師為教或聽赴城社就學其學
官未備如清浪等處或以漸議增俟後壬子漸興人
文漸盛解額更可

其識之不廣也此潛移默奪用夏變夷之亟務也

